



Broj: 12-22-6171/24-17

Datum: 15.10.2024. godine

Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju Programa utroška sredstava sa pozicije "Transfer - Poticaj šumama u skladu sa Zakonom o šumama" utvrđenog Budžetom Srednjobosanskog kantona za 2024. godinu broj: 01-02-6432/2024 od 18.07.2024. godine i u skladu sa tačkom II. C. 17. i 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, Kantonalna uprava za šumarstvo Srednjobosanskog kantona raspisuje:

JAVNI POZIV

ZA ODABIR KORISNIKA SREDSTAVA SA POZICIJE „TRANSFER - POTICAJ ŠUMAMA U SKLADU SA ZAKONOM O ŠUMAMA“ UTVRĐENIH BUDŽETOM SREDNJOBOSANSKOG KANTONA/KANTONA SREDIŠNJA BOSNA ZA 2024. GODINU

I PREDMET JAVNOG POZIVA

Objavljuje se javni poziv za kandidovanje projekata za dodjelu sredstava usmjereni na razvijanje svijesti javnosti o značaju zaštite okoliša, važnosti šuma i potrebe za očuvanjem prirodnih resursa, te o mogućim negativnim posljedicama deforestacije i degradacije šuma, kao i projekti u vezi sa formiranjem i vođenjem evidencije zagađivača i zagađenja i pružanje informacija o stanju šuma i okoliša, a u skladu sa Odlukom Vlade Srednjobosanskog kantona o usvajanju programa korištenja sredstava sa kriterijima raspodjele sredstava sa pozicije "Transfer - Poticaj šumama u skladu sa Zakonom o šumama".

II NAMJENA

Poštujući zakonske propise o utrošku namjenskih sredstava prikupljenih po osnovu naknada za zaštitu i unapređenje stanja postojećih i podizanja novih šuma i ruralni razvoj Zakon o šumama ("Službene novine SBK": broj: 5/14; 12/15; 8/16; 7/18, 14/20 i 1/23), Kantonalna uprava za šumarstvo u okviru programa „Transfer-poticaj šumama u skladu sa Zakonom o šumama“ iz Budžeta Srednjobosanskog kantona za 2024. godinu, finansirat će projekte neprofitnih organizacija usmjerene na razvijanje svijesti javnosti o značaju zaštite okoliša, važnosti šuma i potrebe za očuvanjem prirodnih resursa, te o mogućim negativnim posljedicama deforestacije i degradacije šuma, kao i projekte u vezi sa formiranjem i vođenjem evidencije zagađivača i zagađenja i pružanje informacija o stanju šuma i okoliša.

Kandidovane projekte je potrebno dovesti u vezu sa grupom poslova za koje je moguće korištenje namjenskih sredstava i sa ispunjenjem strateškog cilja, odnosno specifičnih ciljeva utvrđenih Strategijom razvoja Srednjobosanskog kantona.

III PRAVO UČEŠĆA

Pravo češće imaju neprofitne organizacije (aplikanti), koje po raspisanom javnom pozivu kandiduju prijedloge projekata Ministarstvu poljoprivrede, vodoprivrede i šumarstva putem Kantonalne uprave za šumarstvo Srednjobosanskog kantona.

Nemaju pravo učešća na javnom pozivu aplikanti kojima od strane Kantonalne uprave za šumarstvo nije prihvaćen izvještaj o implementaciji programa i rezultatima ostvarivanja programa po ranije dobivenim poticajnim sredstvima.

Utvrđeni iznos sredstava po ovom Programu utroška sredstava (tačka 4. stav 1.), <https://sbk-ksb.gov.ba/bs/kantonalna-uprava-za-sumarstvo/program-utroska-sredstava-sa-pozicije-%E2%80%9Etransfer-poticaj-sumama-u-skladu-sa-zakonom-o-sumama%E2%80%9C-za-2024-godinu-3693.html>

upotrijebiti će se za podršku razvojnim projektima, sa ciljem obezbjeđenja trajnosti gospodarenja državnim i privatnim šumama na području Srednjobosanskog kantona.

IV ZAHTJEV ZA UČESTVOVANJE NA JAVNOM POZIVU/KRITERIJI

1. Zahtjev za uključivanje u program/projekat

Pod pojmom Zahtjev za uključivanje u program podrazumijeva se uredno popunjen obrazac: "OBRAZAC PRIJEDLOGA PROGRAMA/PROJEKTA".

2. Obavezni prilozi

Pod obavezni prilozi podrazumijeva se „PROJEKTNNA DOKUMENTACIJA“.

Ukoliko zahtjev za uključivanje u program i projektna dokumentacija nisu ovjereni i potpisani od odgovorne osobe, isti će se odbiti i neće biti predmet daljeg razmatranja Komisije. Prijave koje ne sadrže potrebnu dokumentaciju, bit će odbijene i neće biti predmet daljeg razmatranja Komisije.



Sva priložena dokumenta moraju biti ne starija od šest mjeseci, u originalu ili ovjerene od strane nadležnih upravnih organa ili notara.

3. Kriterij za odabir programa/projekta

a. Opći kriteriji

- Usklađenost ciljeva programa ili projekta sa ciljevima i prioritnim oblastima iz Programa utroška.
- Kvalitet planiranih aktivnosti i metode provođenja, te njihova povezanost sa problemima koji su bili osnov za utvrđivanje prioriteta, a koji se nastoje riješiti provođenjem program ili projekta
- Budžet program i li projekta razrađen/specificiran sa informacijama o:
 - ukupan iznos finansijski sredstava potreban za provođenje programa ili projekta
 - iznos koji se traži od davaoca budžetskih sredstava
 - iznos koji se za provođenje očekuje ili koji je već dobiven od drugih donatora (sufinansiranje)
 - iznos vlastitih sredstava koji će podnosilac prijave sam uložiti u provođenje program ili projekta
- Direktni troškovi programa ili projekta razrađeni po stavkama
- Indirektni troškovi programa ili projekta

b. Posebni kriterij

- Održivost programa ili projekta (obim u kojem će se rezultati provedenog projekta nastaviti koristiti od strane krajnjeg korisnika)
- Uticaj programa ili projekta, odnosno koje se promjene očekuju od provođenja programa ili projekta.
- Informacija o rizicima i mogućim problemima u provedbi programa ili projekta
- Nastavak ranije započetih projekata

V IZBOR KORISNIKA

Razmatranje kandidovanih projekata i utvrđivanje prijedlog za finansiranje/sufinansiranje projekata utvrđuje stručna komisija koju svojim rješenjem imenuje direktor Kantonalne uprave za šumarstvo, uz obavezno zaključivanje ugovora u vezi sa realizacijom istog.

Visina sredstava koja će biti data na raspolaganje zavisit će od broja podnesenih zahtjeva i visine planiranih sredstava.

Najviši finansijski iznos koji može biti dodjeljen za pojedini program/projekat iznosi 25.000,00 KM.

VI PREUZIMANJE POTREBNE DOKUMENTACIJE

Potrebna dokumentacija za učešće na Javnom pozivu može se preuzeti elektronskim putem na web stranici Vlade SBK www.sbk-ksb.gov.ba ili putem e-maila: kantonalna.uprava@sbk-ksb.gov.ba ili u prostorijama Kantonalne uprave za šumarstvo u Travniku, ulica Aleja Konzula b.b., svakim radnim danom u vremenu od 08,00 - 16,00 sati.

VII PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom na adresu: Kantonalna uprava za šumarstvo u Travniku, ulica Aleja Konzula b.b 72270 Travnik.

Rok za dostavu programa - projekata je 30 (trideset dana) od dana objave javnog poziva u dnevnim novinama. Nepotpune, neblagovremene i neuredne prijave neće biti razmatrane.

VIII TROŠKOVI PROJEKTA - PROGRAMA

U postupku javnog poziva Kantonalna uprava za šumarstvo ne snosi nikakve troškove učesnicima javnog poziva, te zadržava pravo da prijavu prihvati u cijelosti, dijelomično ili je u potpunosti odbije, poništi javni poziv ili odbaci sve prijave u bilo koje vrijeme prije sklapanja ugovora.

Kantonalna uprava za šumarstvo neće snositi nikakvu odgovornost prema učesnicima javnog poziva, niti je obavezna objasniti razloge takve odluke. Prispjela dokumentacije neće se vraćati.

IX OSTALE ODREDBE

Sa kandidatima čije se prijave prihvate, Kantonalna uprava za šumarstvo će potpisati Ugovor o implementaciji odobrenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe.

Sve dodatne informacije vezane za javni poziv mogu se dobiti svakim radnim danom putem telefona broj: 030/518 - 512 ili putem e-maila: kantonalna.uprava@sbk-ksb.gov.ba

U prilogu javnog poziva nalazi se Zahtjev za uključivanje u program, koji je potrebno popuniti u cjelini, uredno sa svim navedenim elementima i priložima i isti dostaviti u roku od 30 dana od dana objave.

Prilog: Obrazac za prijedlog projekta



Direktor

Seval Konjalić dipl.ing.šum.